

Suliffigissaasut

Ukiumut nalunaarut 2007

Beskæftigelsesministeriep nalunaarutaa nr. 1048 26. oktober 2005-meersoq Kalaallit Nunaanni sullivimmi pissutsit pillugu inatsit naapertorlugu pilersinneqarput Suliffigissaasut.

Suliffigissaasut 2007-mi katigigaanerat imaappoq

	Ateq:	Kattuffik:	Sinniisoq:
Siulittaasoq	Sten A.J. Lund	Naalakkersuisunit toqqagaasoq	
Ilaasortaq	Beathe Hendriksen	SIK	
Ilaasortaq	Sofie Fleischer	SIK	
Ilaasortaq	Dorthe Johansen	AK, ASG	Erik Hammeken
Ilaasortaq	Lisbeth Frederiksen	IMAK, PPK, PIP	
Ilaasortaq	Kisea Bruun	KANUKOKA	Svend Møller
Ilaasortaq	Karsten Klausen	GA	
Ilaasortaq	Erne Olsen	SSK	Gert Lundblad
Ilaasortaq	Peter A. Petersen	Kalaallit Nunaanni naalakkersuisut Finansministeria peqatigalugu	

Suliffigissaasut ataatsimiinneri

1. ataatsimiinneq – 1. februaari 2007

Ukiumi ataatsimiinnermi siullermi peqataapput fuldmægtig Søren S. Nielsen, Suliffeqarnermut Inuussutissarsiuutigullu Ilinniartitaanermut Pisortaqarfik, siunnersorti Poul Møller, siunnersortit aqutsisuat Juliane Egede Johansen aamma Danmarkimi Arbejdstilsynimi inatsisileritooq Karen Vibeke Müller, suliffigissaasullu ilaatigut eqqartorpaat:

1. 2007-mut kattuffiit sullivimmi pissutsit pillugit iliuusaat

- SIK'-p iliuusai: Sullivimmi pissutsit pillugit inatsit nutaaq immikkoortortanut tamanut saqqummiunneqarpoq. APV pillugu nalunaarummut siunnersuut SIK-p aallartitaasa ataatsimiinneranni upernaami 2007-mi saqqummiunneqarumaarpoq.
- SSK-p iliuusai: Inatsit nutaaq SSK-p siulersuisuinut saqqummiunneqarpoq.
- Pisortani sulisitsisut iliuusaat: SIO-p Namminersornerullutik Oqartussani primo/medio 2006 APV pillugu suliamik piareersaatit aallartippai. Job-Liv Danmark sap.ak 40-mi Nuummiippoq Namminersornerullutik Oqartussani isumannaallisaarnermik eqimattanut APV-mi sakkussat paasissutissiissutigiarlugit. Sulisunut Pisortaqarfik pilotprojektitit peqataavoq, tassanilu ”værktøjskassen” misilinneqarluni. APV-mi ”Værktøjskassen” namminersornerullutik oqartussani intranetimiippoq, namminersornerullutik oqartussallu qitiusumik allaffeqarfiani takuneqarsinnaalluni, makkulu ilaatigut imaralugit:
 - APV sunaana?

- IPL; periaaseq web atorlugu; Ilisarineqarneq, salliutitsineq, inerniliineq
 - IPL 3.0 – sullivimmi naliliinnermut sakkoq
 - Sullivimmik naliliineq – sullivimmi pissutsinut pitsaanerusunut aqutissaq
 - APV pillugu inatsit qanoq oqarpa (inatsisip nalunaarutaa nr. 1048 af 26. oktober 2005)
 - APV-mik ingerlatsinermi malitassiaq
 - APV-mik suliaqarnermi linkit atugassat
- KANUKOKA-p iliuusai: KANUKOKA misissuiniarpoq qanoq iliorluni KANUKOKA-p quppersagaani sullivimmi pissutsit pillugit qulequttat saqquminerulersinneqarsinnaasut. APV pillugu nalunaarusiassamut siunnersuut aamma quppersakkamut ilineqassaaq. Inunnik isumaginninnerup iluani sulii nalunaaruteqartuarpoq sullivimmi tarnikkut atukkat pitsaanngitsut pillugit, taamaattumik kattuffiit attuumassuteqartut kaammattorneqarput sullivimmi tarnikkut atukkat pillugit oqaatsit marluk atorlugit atuagassanik quppersakkaminni issimasoaqqullugit.
 - IMAK-ip, PPK-p, PIP-illu iliuusaat: PIP nutaamik siulittaasortaarsimavoq. PPK-p saqqummersissimavaa atuagassiaq, ilaatigut sullivimmi pissutsinik imaqartoq. IMAK-p isumaqatigiinniarneri ilaatigut kinguneqarsimapput namminersornerullutik oqartussat ingerlatsiviinik suleqatigiinnissamik isumaqatigiisummik suleqatigiinnermillu ataatsimiititaliat KANUKOKA-p aqussagai. IMAK ataatsimeersuartitsissaaq ”Naleqqiiffik” – ilaatigut aqutseriaatsit pillugit tarnikkullu atukkanut sammitinneqartumik sullivimmi pissutsit pillugit. IMAK-ip ilaatigut saqqummiussisorai Ole Harrit aamma Laila Jensen. Kiisalu Inerisaavimmit saqqummiussisoqassaaq. APV-nalunaarummut siunnersuut pillugu IMAK isumaqarpoq APV piffissaq ataaseq atorlugu aallartittariaqartoq qanorluunniit sulliviit angissuseqaralarpata.
 - AK-p iliuusai: AK ilaasortanit saaffiginnissuterpasuummik pisarpoq sullivimmi tarnikkut atukkat allallu atukkat pillugit, taamaattumik siulittaasup ukiortaami oqalugiaataani sammineqarnerupput sullivimmi pissutsit. AK pilersaaruteqarpoq 2007-mi upernaami AK-p nuna tamakkerlugu ataatsimiinneranut uiggiullugu sullivimmi pissutsit pillugit pikkorissartitsiniarluni.
 - GA-p iliuusai: GA peqataavoq inatsimmik allanngortitsiniarnermut. Sullivimmi pissutsit brancheudvalgit ataatsimiinneranni tamani aalajangersimasumik oqaluuserisassaavoq. Allattoqarfik tulluurtumik sammisassamik toqqaanngippat ilaasortat pisariaqartitaat kissaataallu aallaavigalugit apeqqutit sammineqartarput. Piffissami kingulliinerusumi APV sammineqarnerusimavoq. Ilaasortat saaffiginnissutiginerusimavaat sullivimmi pissutsit pillugit inatsimmut tunngatillugu meeqqat inuusuttullu siunnersorneqartarnerannut tunngasut. Qulequtaq taanna pillugu GA quppersakkamini ilitsersuummik peqarpoq. GA-p siusinnerusukkut iliuusissatut nalunaarutigisaasa ingerlanerat: Piffissami tassani sullivimmi pissutsinik ilinniartitsisussamik ilinniartitsinissaq pillugu Sanaartormik Ilinniarfik oqaloqatigineqarsimavoq. GA neriuppoq tamanna 2007-mi piviusunngorumaartoq, taamaalilluni inatsit peqqussutaannik ilinniarneq lærlingitut ilinniarnep nalaani pisinnaaqqullugu. SKS-pikkorissarnermut siusinnerusukkut nalunaarutaasimasumut peqataasimapput inuit 40-t., 20-t Nuummi aamma 20-t Ilulissani. Peqataasut nuna tamakkerlugu peqataasuupput. GA-p ilaasortanut ajunngivissumik APV elektroniskinnngorlugu neqeroorutigisimavaa. GA aamma B/A februaarimi 2007-mi piffissami 29. marsimiit 3. maajimut ataqatigiissaarinnermut pikkorissartitsissaaq.

2. Arbejdstilsynet Danmarkimit inatsisilerituumit Karen Vibeke Müllerit ilisimatitsineq

APV-nalunaarummut aamma AT-ilitsersuummut siunnersuut sammineqarpoq eqqartorneqarlunilu.

Karen Vibeke Müllerip aamma saqqummiuppaa malittarisassanut pilersaarut 2007/2008 makkuninnga imaqartoq:

1. Sullivinnik naliliineq pillugu nalunaarut nutaaq
2. Isumannaallisaanermik ilinniartitaaneq pillugu nalunaarutip aqqissuuteqqinnera
3. Ujaqqanik aatsitassartalinnik pīaalluni sulinermut nalunaarusiaq nutaaq
4. AT asbesti pillugu nutaamik nalunaarummik isumalioqquteqarpoq
5. AT-p naliliiffigaa nalunaarut kranit, taaliat assigisaallu mekaniskimik ingerlasut katitertarnerat atornerqarnerallu pillugu imaqartoq.

Karen Vibeke Müllerip aamma ilisimatitsissutigaa APV, inuusuttut sulisarnerat aamma qasuersaarfeqarnek ulloq unnuarlu sulinngiffeqarnek pillugit nutaanik ilitsersuusianik suliaqartoqarumaartoq.

3. Suliffeqarnermut Inuusutissarsiutitigullu Ilinniartitaanermut Pisortaqarfimmit ilisimatitsineq

Kalaallit Nunaanni sulisilluni ajoqusersinnaanermut isumannaarineq pillugu Ataatsimiititaliap kissaatigaa nalunaaruteqartarnermik pisussaaffeqarnek sulisinnaasunut paasisutissiissutiginnissaa pillugu Sullivinnik Nakkutilliisoqarfillu suleqatigiissutigerusullugu. Ataatsimiititalip Nuummi paasisutissiinnissaq nammineerluni aallarnerniarppaa. Ilisimatitsissutigineqarpoq isaaaffik nalunaaruteqartarnermut periaatsimik inissiiffissaq ullut 14-it ingerlaneranni misilinneqassasoq. Periaatsimik ineriartortitseqqinnissaq eqqarsaatigalugu pisortaqarfiup pilersaarutigaa ILO-mit pulaarneqarnissaq, ILO-milu sulisut marluk Nuummut tikeraarnissartik pilersaarusioreersimavaat.

2. ataatsimiinneq - 18. aprīli 2007

Suliffigissaasut aappassaannik ataatsimiinnerat pivoq peqataaffigineqarluni Suliffeqarnermut Inuusutissarsiutitigullu Ilinniartitaanermut Pisortaqarfimmit, allaffimmi pisortaq Isak Nielsen Kleist, fuldmægtig Søren S. Nielsen, siunnersortit aqutsisuat Juliane Egede Johansen aamma Arbejdstilsynet Danmarkimi direktøria Jens Jensen, tassanilu makku qulequttat eqqartorneqarlutik sammineqarput:

1. Ilaasortanit ilisimatitsineq

Sullivimmi pissutsit kattuffiit siusinnerusukkut nalunaarutigisaasa iliuutsit, suliniutit aamma 2007-imut sullivimmi pissutsinut iliuutsit ingerlanneqarnerat.

- SIK-p iliusai: APV pillugu nalunaarummut siunnersuut aallartitanut ataatsimiinnermi saqqummiunneqassaaq. Sullivimmi pissutsit pillugit inatsit aamma APV-nalunaarummut siunnersuut immikkoortoqarfiit sinerissamilu ilaasortat qaammammi maajimi ataatsimeeqatigineqarneranni saqqummiunneqassaaq. Immikkoortoqarfiit tikeraarneqanngitsut allakkatigut atortussat piumaarpaat.
- SSK-p iliusai: SSK pilersaaruteqarpoq sullivimmi tarnikkut atukkat pillugit pikkorissartitsiniarluni.

- Pisortat sulisitsisut iliuusai: Namminersornerullutik Oqartussani isumannaallisaanermik aaqqissuussisoqarfik ataatsimiisaaq 19. aprili 2007.
- KANUKOKA-p iliuusai: KANUKOKA-p sullivimmi pissutsit pillugit immikkoortoq aaqqissuuteqqillugu ingerlappaa, ullutsinnut tulluarnerusunngortinniarlugu quppersakkamilu erseqqinnerusunngortinniarlugu.
- IMAK-p, PPK-p, PIP-llu iliuusai: Isumannaallisaanermik ilinniartitaaneq pillugu nalunaarut aaqqissuuteqqillugu salliutinneqarpoq.
- AK-p iliuusai: AK Sisimiuni maajip qaammataani ataatsimiisaaq. Taassumalu saniatigut ulluni marlunni sullivimmi pissutsit pillugit ilaasortanit 20-nit peqataaffigineqartussamik pikkorissartitsinissaq pilersaarutaavoq.
- GA-p iliuusai: Sullivimmi pissutsit brancheudvalgit ataatsimiinneranni tamani aalajangersimasumik oqaluuserisassaavoq. Allattoqarfik tulluurtumik sammisassamik toqqaanngippat ilaasortat pisariaqartitaat kissaataallu aallaavigalugit apeqqutit sammineqartarput. Piffissami kingulliunerusumi APV sammineqarnerusimavoq. Ilaasortat saaffiginnissutiginerusimavaat sullivimmi pissutsit pillugit inatsimmut tunngatillugu meeqqat inuusuttullu siunnersorneqartarnerannut tunngasut. Qulequtaq taanna pillugu GA quppersakkamini ilitsersuummik peqarpoq.

2. Sullivimmi pissutsit pillugit Namminersulernissamik Ataatsimiititaliap killiffianik ilisimatitsineq /naalakkersuisunut ilaasortamit Siverth K. Heilmannimit

Innersuussutigineqarpoq ilanngussaq ataatsimiinnermit imaqarniliamut tapiliussaasoq.

3. ILO-p "Health Profile of Greenland" killiffianik ilisimatitsineq /naalakkersuisunut ilaasortamit Siverth K. Heilmannimit

Innersuussutigineqarpoq ilanngussaq ataatsimiinnermit imaqarniliamut tapiliussaasoq.

4. Arbejdstilsynip direktørianit Jens Jensenimut ilisimatitsineq makku imaralugit:

Malittarisassanut pilersaarut 2007/2008 saqqummiunneqartoq eqqartorneqarpoq.

Malittarisassanut pilersaarut 2007/2008 makkuninnga imaqarpoq:

- APV-nalunaarut tunniunneqarpoq Beskæftigelsesministeriamut. Malitsigitillugu namminersornerullutik oqartussanut tusarniaassutigineqartussanngorlugu nassiunneqassaaq.
- Nalunaarutit pingasut suliarineqarput. Asbesti pillugu nalunaarusiap suliarineqarnera siuangaatsiarsimavoq. Kranit, taaliat assigisaallu mekaniskimik ingerlasut katitertarnerat atorneqarnerallu pillugu nalunaarusiassamut siunnersuut suliarineqarpoq. Kalaallit Nunaanni isumannaallisaanermik ilinniartitaaneq assigisaalu pillugit nalunaarummut siunnersuutip suliarineqarnera sulii aallartinngilaq, taannali aamma aaqqissuuteqqinneqassaaq.

Kalaallit Nunaanni sullivimmi pissutsit pillugit inatsimmut nutaamut atatillugu AT-p paasissutissiinermik ilitsersuinermillu atorussianik suliaqarnerata killiffia:

APV pillugu AT-ilitsersuummut siunnersuut nalunaarut atortussanngortinneqariartorlu allanngortinneqassaaq. Inuusuttut pillugit AT-ilitsersuutit tulluarsarneqassallutillu nutserneqassapput. Qasuersaarfeqartarnissaq aamma ulloq unnuarlu sulinnigiffeqartarnissaq pillugit AT-ilitsersuutit ilitsersuut aqqissorneqariartorlu tulluarsarneqassapput nutserneqassallutillu. APV-tjeklistit 2008-p ingerlanerani tulluarsarneqarlutillu nutserneqassapput.

5. Suliffeqarnermut aamma Inuusutissarsiutitigut Ilinniartitaanermut Pisortaqarfimmit ilisimatitsineq

Ilisimatitsissutigineqarpoq ILO suleqatigineqalersimasoq pitsanngorsarniarlugit sullivimmi pissutsit inissisimanerannik uppersaaneq kiisalu sullivimmi pissutsinik nakkutilleeriaatsimik ineriartortitsineq.

3. ataatsimiinneq – 6. decembari 2007

Suliffigissaasut pingajussaanik ataatsimiinneranni peqataapput Suliffeqarnermut aamma Inuusutissarsiutitigut Ilinniartitaanermut Pisortaqarfik, Johannes Kardel aamma Arbejdstilsynet Danmarkimi direktøri Jens Jensen, makkulu qulequttat eqqartorneqarput:

1. Ilaasortanit ilisimatitsineq

Sullivimmi pissutsit kattuffiit siusinnerusukkut nalunaarutigisaasa iliuutsit, suliniutit aamma 2007-imut sullivimmi pissutsinut iliuutsit ingerlanneqarnerat.

- SIK-p iliuusai: SIK sinerissami angalasimavoq sullivimmilu pissutsit pillugit ilaasortanut paasissutissiisimalluni. Ilulissani saqqummiunneqarpoq APV-nalunaarut nutaaq, ilaasortallu kaammattorneqarput ukiup suliffitsialaanik toqqaanermut peqataaqqullugit.
- KANUKOKA-p iliuusai: KANUKOKA ilisimatitsivoq APV-malittarisassat nutaat pillugit quppersagaq nutaanngortinneqarsimasoq. APV pillugu aamma pikkorissartitsisoqarsimavoq. Sullivimmi tarnikkut atukkat/pimmatiginninneq suli qulequtaapput nipangiussaasut. Aqutsisup akisussaaffigaa pimmatiginninnermik ajornartorsiutit aqqiivigissallugit. Allamut saaffiginnissinnaaneq periarfissaassaaq, soorlu sulisoq aqutsisunut saaffiginnissinnaangippat psykologimut saaffiginnissinnaasariaqarpoq.
- IMAK-ip, PPK-p, PIP-p iliuusai: PIP-mi ilaasortat akornanni sulisunik amigaateqarnera pissutaalluni nukissaarunneq atuuppoq, tamannalu sullivimmi tarnikkut atukkanut sunniuteqarpoq. Peqqinnissap iluani sulisunut aamma tamanna atuuppoq. Ilaasortat aamma pimmatiginninneq siorasaarutit assigisaallu misigisarpaat. Sumiiffippassuarni napparsimalluni sivisuumik sulinnigiffeqarnissaq atuuppoq, ilisimasaqannginnerlu pissutaalluni UT-nalunaarutit immersorneqarneq ajorput.. Aqutsisut iluamik ilitsersugaanngillat pikkorissarnissamillu neqeroorfigineqassanatik, tamanna aallartinneqartariaqarpoq. Sumiiffippassuarni isumannaallisaanermut ataatsimiititaliat inatsit nutaaq malillugu pilersitaanngillat, aallartinneqarporli. Ilaasortanut tamanut nassiussuunneqaleruttorpoq quppersagaaraq sullivimmi tarnikkut atukkanut attuumassuteqartoq.

- AK-p iliuusai: Sisimiuni nuna tamakkerlugu ataatsimiinnermut AK peqataasimavoq, tassanilu APV pillugu ulluni marlunni sinniisut pikkorissartinneqarput, eqqartorneqartullu ilagaat sullivimmi tarnikkut atukkat. Peqatigiiffiup APV allallu pillugit quppersakkani nutaanngortittarniarpa. Novembarimi 2008-mi ulluni marlunni APV pillugu pikkorissartitsisoqassaaq.,
- GA-p iliuusai: GA sinerissami angalaarsimavoq APV-malittarisassallu nutaat ilisimatitsissutigalugit. Soqutiginninneq annertusimavoq, pikkorissaqataarusuttullu 110-t nalunaarsimapput. Sanaartornermi suliffillit sulereernerup kingorna ataatsimiittarsimapput, suliffinnilu isumannaallisaaneq soqutigineqarsimavoq. Sanaartornerup iluani isumannaallisaaneq pillugu annertunerusumik iliortoqarnissaa ilisimatitsinissarlu kissaataavoq. Suliffinni sullivimmi pissutsit pillugit inatsit malinneqanngippat akiliisitsissutit annertupput, tamannalu suliffinnut sunniuteqarsimavoq. Suliffimmi isumannaallisaaneq pillugu suliaqarnermut GA peqataarusuppoq. Angajoqqaat tungaanniit meeqqat inuusuttullu pillugit soqutiginninneq annertusisimavoq.

2. Arbejdstilsynip direktørianit Jens Jensenimit ilisimatitsineq makku imaralugit:

Jens Jensenip ilisimatitsissutigaa APV-nalunaarut naammassisoq. Asbesti pillugu nalunaarut ingerlanneqarpoq, Kalaallit Nunaannilu qanoq annertutigisumik asbesteqarnerisooq Namminersornerullutik Oqartussat oqaloqatigineqarput. Kranit mekaniskimik ingerlanneqartut pillugit nalunaarut suli ingerlanneqarpoq. Tjeklistit 14-it atorneqarsinnaalerput Kalaallit Nunaannilu pissutsinut tulluarsarneqarlutik kalaallisullu nutserneqarlutik. Sanaartornermi ataqatigiissaarisutut ilinniartitaaneq aallartinneqarpoq.

3. Suliffeqarnermut aamma Inuussutissarsiutitigut Ilinniartitaanermut Pisortaqarfimmit ilisimatitsineq Johannes Kardelimit

2007-mi sulisilluni ajoqusernerit suliassanngortinneqarqittullu 427-t nalunaarutigineqarput marlullu ajunaarsimallutik. Sulinerup kingunerisaanik ippigusuuteqalernerit amerliartorput. Bispebjerg Hospitali suleqatigalugu umimmaat amiinik suliaqartartut inuit arfineq-marluk misissugarineqarsimapput. 2008-mi sulinerup kingunerisaanik ippigusuuteqalernerup misissugarineqarnissaanut atugassanik aningaasanik amerlanerusunik aningaasaliisoqarpoq.

Aqutsisuusutut Ataatsimiititaliaq

2007-mi nalinginnaasumik ataatsimiinnerit marluk pisimapput, 17/4 2007-mi aamma 31/10 2007-mi.

Siulittaasoq Sten A.J. Lund 14/6 2007-mi Københavniimi ataatsimeeqatigaa Mogens Tolstrup aamma Kontor for Juridisk Rådgivning og Internationale Relationer Arbejdstilsynet Danmarkimit aallartitat, ataatsimiissutaavorlu atuartitsissusiat aaqqissuuteqqillugit aallartinneqarsimasut naammassineqarnissaat.

Ataatsimiititaliap Nuummi ilaasortai kiisalu Bodil Hansen peqataapput 29/10–31/10 2007-mi ukiumoortumik Nyborgimi sullivimmi pissutsit pillugit ataatsimeersuarnermi.

Pikkorissartitsinerit:

2007-mi pikkorissartitsinerit 18-it katillugit 246-nik peqataasullit ingerlanneqarsimapput. Arfineq-marluk kalaallisut 109-nik peqataaffigineqartut aamma aqqanillit qallunaatut 137-nik peqataaffigineqartut. Pikkorissaqataasunit 246-usunit 201-t pisortaqaqarfinneersuupput imaluunniit pisortat suliffiutaanneersuullutik 45-llu namminersortut suliffiutaanneersuullutik.

Aaqqissuusseqqinneq/nutaanngorsaaneq/ilinniusianik nutserineq:

Ilinniartitsisunut ilitersuutip aaqqissuuteqqinneqarnera ingerlanneqarpoq. Taanna primo 2008-mi naammassineqassanganneqarpoq. Sullivimmi pimmatiginninneq pitsaaliorniarlugu iliuuseqarfiginiarlugulu atortussiat nutaat saqqummersinneqarput.

Sullivimmi isumannaallisaanermik ilinniartitaanerup aaqqissugaanerata inissisimanera:

Ukiuni arlalinngortuni sullivimmi isumannaallisaanermik ilinniartitaanerup aaqqissuussaannermini Saviminilerinermik Ilinniarfimmi inissisimanerata nalornissutaanera DSU-p, KIIP-p aamma Sullivinnik Nakkutilliisoqarfiup akornanni oqallisigineqartarsimavoq.

Namminersornerullutik Oqartussani oqartussaaffiit 2006-imi allannngortinneqarnerannut atatillugu Saviminilerinermik Ilinniarfik – taamaalillunilu aamma sullivimmi isumannaallisaanermik ilinniartitaaneq – aaqqissuussaannermik atapput Suliffeqarnermut aamma Inuussutissarsiutitigut Ilinniartitaanermut Pisortaqaqarfinnut.

Sammasat allat namminerlu ingerlatat

- Suliffigissaasut nalunaarusiaat 2007 Beskæftigelsesministerimut, Inuussutissarsiutinut, Suliffeqarnermut aamma Inuussutissarsiutitigut Ilinniartitaanermut Naalakkersuisumut aamma Sullivinnik Nakkutilliisoqarfinnut nassiunneqartoq 29. novembari 2007.
- Ukiumi 2007-mi suliffitsialammik 6. decembari 2007-mi toqqaaneq

AMR Nutaarsiassat

2007-mi nutaarsiassanik allakkat aningaasatigut periarfissat pissutaallutik pisinnaasimangillat.

Suliffigissaasut iliuusaat

Suliffigissaasut 2007-mi nammineq iliutsimi saniatigut Kreds Grønlandip iliuusaannik tapersersuivoq. Kreds Grønlandip 2007-mi iliuusai:

Iliutsinut pilersaarutit 2007

Iliutsit suunerat	Sullivimmi pissutsit ajornartorsiutaasut sammillugit
Inatsit nutaaq pillugu paasisutissiineq	
Sanaartorneq, stilladsinik inissiisarneq kiisalu majuartarfinnit sulineq.	Nakkarnissamut aarlerinassuseq, ajutoornermik pitsaaliuineq, kivitsineq, inummut illersuutit, teknikkikkut

	iluqaqutit.
Sanaartorneq	Sanatitsisup pisussaaffii, sanaartornermi kranit, ajutoornernik pitsaaliuineq, kivitsineq, nilleq suerlu, nipiliorneq, nakkarnissamut aarlerinassuseq, qaammaqquteqarneq, aniffissat, torersaarneq, inuummarinnissamullu iliuitsit.
Timmisartut eqqaanni iluinilu usilersorneq usingiaanerlu	Inuusuttut, kivitsineq sulinermilu timip atornera, teknikkikkut iluqaqutit, inummut illersuutit, nilleq suerlu, ajutoornernik pitsaaliuineq.
Ulluunerani aamma ulloq unnuarlu paaqqinniffiit	Sullivimmi tarnikkut atukkat, ajutoornernik pitsaaliuineq, kivitsineq aamma sulinermi timip atornera, nipiliorneq.
Pisiniarfiit kioskillu	Meeqqat inuusuttullu, oqimaatsunik kivitsineq sulinermilu timip atornera.
Napparsimasunik innarluutilinnillu assartuineq	Ajutoornernik pitsaaliuineq, kivitsineq sulinermilu timip atornera, sullivimmi tarnikkut atukkat.

Suliffigissaasut aningaasaqarnerat

Suliffigissaasunut aningaasaliissutit tunniunneqartarput qallunaat aningaasanut inatsisaat aqutigalugu, 2007-milu 300.000 kr-ullutik nalinginnaasumik ingerlatsinermut atugassat kiisalu 500.000 kr-t sullivimmi pissutsinut inatsisip nutaap atortinneqalernissaanut atugassat.

Suliffigissaasut allattoqarfimmik suleqateqarnera

Suliffigissaasut allattoqarnikkut sullinneqarput Sullivinnik Nakkutilliisoqarfimmit Kreds Grønlandimit, suleqatigiinnerlu naammaginatsumik isornanngitsumillu ingerlavoq, illuatungeriinnullu iluaqutaalluni. Immikkut itunik suliassani kiisalu suliassaqpallaarnermi suliassanik assigiinngitsunik suliaqartussanik avataanneersunik atuisarnissaq pisariaqartarsimavoq, soorlu ilinniartitsinermi atortussanut, nutserinernut, grafiskimi ilusilersuinerlut, misissuinerlut assigisaannullu.

Suliffigissaasut allattuata Suliffigissaasut paasissutissiinermi suliaasa aqqissuunnerat annertuumik suliarisimavaa, tamannalu INUK Media peqatigalugu suliarineqarsimalluni, naatsorsuutigisaasutut nammineerluni suliamik naammassinnissinnaasimanngitsoq.

Suliffigissaasut ataatsimiinneranni akuerisaasoq

Nuuk, 26. augusti 2008